

AVANNAATA KOMMUNIA



TAPIISARNERMUT ILEQQOREQQUSAQ

Kalaallisut

2024

§ 1: Siunertaq:

- Peqatigiiffiit tamaasa aamma kulturikkut aaqqissuussat angalanermut aningaasartuutitut tapiissuteqarfiginerisigut aamma ininik attartornermut silamilu ingerlatsinerit tapersersormissaat.
- Avannaata Kommuniiani najukkami kulturikkut aaqqissuussat tapersersussallugit.
- Uannga ileqqoreqqusamik tunngaveqartumik tapiiffigineqassagaanni Avannaata Kommuniiani najungaqartuunissaq piumasqaataavoq.

§ 2: Inatsisit tunngavigineqartut:

- Kulturikkut ingerlatsineq sunngiffimmilu sammisassaqaartitsineq pillugit Inatsisartut Inatsisaat nr. 5, 6. juni 2016-imeersoq
- Timersorneq timigissarnerlu pillugit Inatsisartut Inatsisaat nr. 15, 6. juni 2016-imeersoq
- Meeqqat inuusuttullu suliniaqatigiivinit init silamilu ingerlatsiviit pillugit Namminersorlutik Oqartussat nalunaarutaat nr. 20, 27. september 1988-imeersoq

§ 3: Peqatigiiffimmuq tapiissutiniq tunineqarnermi piumasqaatit:

Imm. 1: Piorsarsimassutsikkut ingerlatsineq sunngiffimmilu sammisassaqaartitsineq pillugit Inatsisartut Inatsisaat nr. 5, 6. Juni 2016-meersumi allassimasut siunertat naapertorlugit Peqatigiiffiup anguniagassaasut allassimasut naammassissavai kiisalu Meeqqat inuusuttullu suliniaqatigiivinit init silamilu ingerlatsiviit pillugit Namminersorlutik Oqartussat nalunaarutaat nr. 20, 27. september 1988-imeersoq naapertorlugu anguniagassaasut allassimasut peqatigiiffiup naammassissimassavai.

Imm. 2: Pilersitsinertalimmik ataatsimeersuartitsoqareersimassaaq.

- Peqatigiiffik minnerpaamik qulinik ilaasortaqaarnissa, saniatugut tapersersuisussanik peqassallutik.
- Peqatigiiffiup ileqqoreqqusaani aalajangersakkat naapertorlugit ataatsimeersuartoqassaaq.
- Ileqqoreqqusaq naapertorlugu siulersuisuni ilaasortassanik qinersinerit ingerlanneqassapput.

Imm. 3: Peqatigiiffik Avannaata Kommuniiani angerlarsimaffeqassaaq.

Imm. 4: Ukiut tamaasa Maajip 15-at sioqullugu naatsorsuutit akuerineqarsimasut kommunimut tunniunneqartassapput najukkami Peqqinneq Sunngiffimmilu aqutsisuusumut.

- Ilaasortat amerlassusaat, ilaasortaannermut akiliutissaq, pigisat aningaasallu uninngasuutit naatsorsuutini allassimassapput.
- Akiitsut ilanngullugit allassimasassapput kiisalu pigisat nalillit.
- Ataatsimeersuarnermi kukkunerisiusussatut toqqarneqartumit naatsorsuutit kukkunerisiorneqassapput. Kukkunerisiusut akuerisaat.

Imm. 5: Ukiup tullissaanut sammisassanut pilersaarut najukkami Peqqinneq Sunngiffimmullu kingusinnerpaamik 31. Januar nassiunneqarsimassaaq.

Ersarissaaneq unammiarloqassappat imaluunniit angalasoqassappat nalunaarusiorneqassaaq, taamatuttaaq sutitsisoqartussaappat annertuumik.

Imm. 6: Angalanernut tapiissuteqartarneq, namminerisamik umiatsiamik ingerlanneqarpata angallassinissamut akuersissummik peqartariaqarpoq, namminerisamik umiatsiamik ingerlanneqarpata, umiatsiaq pisariaqartitanik isumannaallisaatinik peqarpat aatsaat angalanernut tapiissuutit tunniunneqassapput, soorlu makkuusunik, VHF raatiu, GPS, ajunaalernermi qummoroortaat kalerrisaarutit, annanniutit atisartakkat ilaasunut tamanut aamma umiatsiaq/pullattagaq aquuterallik. Kiisalu angalaniernermi pinngitsoorani ingiaqateqarnissaq qulakkeerneqassaaq. Aammalu meeqqat pinerullugit angajooqqaat ilisimatinneqartassasut atsiortillugillu.

- 6.a Umiatsianik attartornermi piunasaqaatit isumaqatigiissutillu isumannaarneqarsimassapput.
- 6.b Namminerisamik snecooterinik angalaneq angerlanneqassappat, angalasoq (Angallassisoq) isumannaallisaaneq eqqarsaatigalgu satellitsikkut oqarasuaammik imaluunniit SMS-kkut nassitsisinnaasumik peqassaaq.
- 6.c Innersuussutigineqarpoq angallasisinnaanermut akuerisaasumik attartornissaq.
 - o KNAPK-ip SQAPK-iilu akigitai atorneqassapput aammali akikinnermik neqeroorisiorneqarsinnaavoq.
 - o Attartornermut isumaqatigiissuteqartoqarsimassaaq.

Una peqatigiiffinnut tapiisarnermi ileqqoreqqusaq naapertorlugu kattuffinnut tapiisoqarsinnaanngilaq.

Kommenterede [RJ1]: DK indsat punktum

§ 4: Taperneqarnissamut qinnuteqaatit piunasaqaatitai:

Qinnuteqarnermi immersugassaq: ”Avannaata Kommunianit tapiiffigineqarnissamut qinnuteqaat”.

Imm. 1: Qinnuteqarnermi siunertaq qinnuteqaatigineqartoq pillugu paasissutissanik, angalanermut aningaasartuutit takussutissartaannik aamma aningaasat tapiissutigineqartussat qinnutigineqartut amerlassusiinik imaqartinneqassaaq. Qinnuteqarnermi angalanissaq minnerpaamik ullut 10-it iluani tunniunneqareersimassaaq.

Imm. 2: Peqataasut aqqi ulloq inunngorfik ilanngullugit qinnuteqaammut ilanngussatut ilaatinneqassapput

Imm. 3: Peqatigiiffiit peqatigiiffinnik allanik suleqateqarlutik angalatitsinissatik eqaatsumik pilersaarusiornissaannut piviusunngortissinnaanissaannullu tapiisarnermut ileqqoreqqusamit periarfissinneqarput

Imm. 4: Suliamik suliarinninnissaq aallartissaaq paasissutissat tamaasa kommunimi immikkoortortaqaarfimmu Peqqinneq Sunngiffillu-mut tunniunneqarpata. Qinnuteqarnissamut piffissaliussaq malinneqanngippat peqatigiiffik qinnuteqaammunik itigartitaasinnaavoq.

Imm. 5: Aaqqissuussanut taperneqartussanut kingumoortumik qinnuteqartoqarsinnaanngilaq.

§ 5: Tapiissutininik atuisimanermut uppersaait:

Imm. 1: Avannaata Kommunanut angalasimanermut nalunaarusiat naatsorsuutininik ilalik sammisaqartitsinerup kingorna kingusinnerpaamik qaammatit marluk qaangiutsinnagit kommunimi Peqqinneq Sunngiffillu-mut tunniunneqareersimassapput, suli tunniunneqarsimangippata tunngavilersuilluni nalunaarusiortoqssaaq.

Imm. 2: Tapiiffigineqarnissamut qinnuteqaammi anguniakkatut allassimasut naapertorlugit tapiissutit tamarmiisut imaluunniit ilaannakortumik atorneqarsimassanngikkunik tapiissutit atunngitsuukkat Avannaata Kommunanut utertinneqassapput.

- Atunngitsuukkat utertinneqanngippata nutaamik qinnuteqaasiornermi itigartitsisoqassaaq atunngitsuukkat peqatigiiffimmiit Avannaata Kommunanut utertinissaata tungaanut.

§ 6: Aningaasaliissutinut sinaakkusiussat:

Imm. 1: Kommunalbestyrelsip missingersuutit suliarineqarnerini ukiumoortumik aningaasat tapiissutissat amerlassusaat aalajangersartassavai.

Imm. 2: Kommunimi najugaqarfinni tamani innuttaasut najugallit amerlassusaat malillugit tapiissutit amerlassusilersorneqartassapput aamma agguarneqartassapput.

Imm. 3: Peqatigiiffiup CVR-nr-ssani, Akileraartarnermut pisortaqaarfimmu, Namminersorlutik Oqartussaniittumut peqatigiiffiup pissarsiarereernerani, aallartisarneranut 1.000 koruunit tungaanut tapiissuteqartoqarsinnaavoq, kiisalu peqatigiiffiup Bankkonto pingineqamissaa.

Imm. 4: Peqatigiiffik pisortatigoortumik nuna tamakkerlugu unammersuarnermik aaqqissuisoq 40.000 koruunit tikillugit aaqqissuussamat ataatsimut tapiiffigineqarsinnaavoq, taakku ullormusiaqartitsinermut imaluunniit inunnut ajunngitsorsiasatut atorneqaqqusaanngillat. Tapiissutit 40.000 kr.-it atornerinut nassuiaat, aaqqissuussinerup ingerlanneqarnerata kingorna kingusinnerpaamik qaammatip ataatsip qaangiunnerani hassiunneqassaaq.

Kommenterede [RJ2]: DK KUF peerpoq

- Kommunimi immikkoortotaqarfimmu Peqqineq Sunngiffillu utertinneqarnissaannik piumasaqarsinnaavoq, tapiissutinik atornerluisoqarsimappat.

Imm. 5: Aaqqissuussat pereersut tapiissuteqarfigineqarsinnaanngillat.

Imm. 6: Peqatigiiffiit Avannaata Kommunanut akiitsoqartut akiitsut akilersornissaannik, allaganngorlugu isumaqatigiissuteqareerunik aatsaat tapiissuteqarfigineqarsinnaapput.

§ 7: Timersornermik siunertallit tapiissuteqarfigineqartarneri:

Imm. 1: Aaqqissuussinermi ataatsimi iligiiaat angalanermut aningaasartuutaannut tapiisoqarsinnaavoq:

- Ilulissat: Inersimasut angalanermut 65%-mik aningaasartuutitut tapiisoqartassaaq Kalaallit Nunaanni Timersoqatigiiffiit Kattuffiata aaqqissugaanut akuerisaanullu pissartanngorniunnissamat anngunniunnernut aamma ajugaanniutivinnernut.
- Uummannaq: Inersimasut angalanermut 70%-mik aningaasartuutitut tapiisoqartassaaq Kalaallit Nunaanni Timersoqatigiiffiit Kattuffiata aaqqissugaanut akuerisaanullu pissartanngorniunnissamat anngunniunnernut aamma ajugaanniutivinnernut.
- Upernavik: Inersimasut angalanermut 75%-mik angalanermut aningaasartuutitut tapiisoqartassaaq Kalaallit Nunaanni Timersoqatigiiffiit Kattuffiata aaqqissugaanut akuerisaanullu pissartanngorniunnissamat anngunniunnernut aamma ajugaanniutivinnernut.
- Qaanaaq: Inersimasut angalanermut 80% aningaasartuutitut tapiisoqartassaaq Kalaallit Nunaanni Timersoqatigiiffiit Kattuffiata aaqqissugaanut akuerisaanullu pissartanngorniunnissamat anngunniunnernut aamma ajugaanniutivinnernut.
- Avannaata Kommunanianeeqqat inuusuttullu 18-it ataallugit ukiullit angalanissaannut aningaasartuutit tamarmiusut 100%-mik matussuserneqartassapput. Aningaasartuutitut tapiisoqartassaaq Kalaallit Nunaanni Timersoqatigiiffiit Kattuffiata aaqqissugaanut akuerisaanullu pissartanngorniunnissamat anngunniunnernut aamma ajugaanniutivinnernut.
- Kattuffiit aaqqissuussarinngisaannut peqataanerni angalanerni aningaasartuutitut 25 %-mik tapiisoqarsinnaavoq.
- Nunani avannarlerni meeqqanut inuusuttuaqqanullu 18-it inorlugit ukiulinnut ukiumut angalaneq timersoqatigiiffimmi timersuummut ataatsimut unammisaqattaartoqarnerani

Kommenterede [RJ3]: Angalanermut tapiunera naqissusisooq qallunaatuaa takuuk

Kommenterede [RJ4]: DK fjernet for voksne

angalanermut 40% angullugu tapiisoqarsinnaavoq. Unammisaqattaarnejq paasineqassaaq ullut arlariit unammisaqattaarnertut, tamatumani hold-inut arlariinnut unammisoqassalluni. Assersuut: Danmark Mesterskab peqataanermut.

- Nunanut allanut angalalluni sungiusariarnernut tapiissuteqartoqarneq ajorpoq.
- Utoqqaat innarluutillullu timersornermik atuineranni aningaasartuutissat tamarmik 100%-mik matussuserneqartassapput. Fitness, timigissartarfiit / Motion, timersortarfinnilu atuinermi.
- Utoqqaat suliinnaarnersiutillillu peqatigiiffii nunarput tamakkerlugu unammersuaarnissaanut angalanermut 60%-mik taperneqarsinnaavoq.

Kommenterede [RJ5]: DK tilpasset til denne sætning

Imm. 2: Avannaata kommuniani pissartanngorniunnerni hold-i ataaseq annerpaamik 40%-imik angalanermut taperneqarsinnaavoq.

Imm. 3: Meeqqat inuusuttullu 17-it angullugit ukiullit illup iluani silamilu sammisaqartinneqarnerini atorunuk attartornermut, ukiumoortumik Fodboldskolemut aamma Håndboldskolemut Tae Kwon Do-mut Kidsvolley-imut Arctic Sports-imut, sulorartatunullu ilinniartitsinernilu taakkunani atorunuk, aningaasartuutit tamarmiusut 100 %-mik matussuserneqartassapput.

Imm. 4: Nammineq pigisumi Uummannami inuusuttut 18-it inorlugit ukiullit timersornermik anguniagallit, timersortarfinni illup iluani silamilu sammisaqartinneqarnerini atorunuk attartornermut aningaasartuutit 100 %-ii matussuserneqartassapput.

Imm.4a: Nammineq pigisumi Uummannami timersortarfinni timersoqatigiiffiit sammisaqartinneqarnerini inersuarmi attartornermut aningaasartuutit 90 %-ii matussuserneqartassapput.

Imm.5: Timersortarfinni tamani illup iluani silamilu meeqqat 17-it tikillugit ukiullit timersornermik sammisaqartinneqarnerini atorunuk attartornermut aningaasartuutit ukiumoortumik akuerineqartut malillugit "Kommunemi Akigitat" atorlugit matussuserneqartassapput.

- Inersuarmik timersornermut atuneq akeqanngilaq.

Imm. 6: Ukioq timersorfusooq naapertorlugu meeqqanut inuusuttuaqqanullu 17-it tikillugit ukiulinnut sungiusaanermik ingerlatsisimagaanni, timersuummi ataatsimi sungiusaasumut ataatsimut 5.000,- kr.-it tapiissutitut tunniunneqarsinnaapput. Ukioq timersorfusooq septemberimiit maj/junimut sungiusaasutut ingerlatsisimanermut uppermarsaat, tapiissuteqarfigineqarnissamik qinnuteqaammut ilanngullugu peqatigiiffiit timersoqatigiiffillu siulersuisuniik nassiunneqassaaq, meeqqanik sungiusaasuunermi meeqqanik pinerliisimanninnermut uppermarsaat ilanngullugu.

Imm. 7: AWG-imi, Inuit Games-imi aamma Island Games-imi assigisaanillu peqataanermi, Avannaata Kommuniani najugaqartumut Nuna tamakkerlugu holdikkaarluni unaminermi peqataasumut ataatsimut kaasarfimmiunik 1.000,- kr.-inik tapiissuteqartoqarsinnaavoq.

Imm. 8: Illoqarfinni "Ukiup Timersullammaatut nersornaasiineq" annerpaamik 3.000,- kr.-nik aningaasartaqartassaaq. Timersornerullu iluani nersornaasiinerit allanut inummut ataatsimut inoqarfinnilu tamani nunaqarfiit ilanngullugit annerpaamik 1.000,- kr.-nik aningaasartaqartassapput.

Timersullammak imaluunniit nersornaasiinerit ukiup naalernerani ukiulluunniit nutaap aallartinnerani nalliuttorsiualaarmermi ingerlanneqartassapput

- Timersullammammik toqqaanissamat komitemik pilersitsisoqassooq. Komitemi ilaasortassapput inuit tallimat, taakkuussallutillu timersoqatigiiffiit innersuussaaniq toqqaasussat. Toqqaasussat timersoqatigiiffinniik innersuunneqarsimasut maleruaqqusat malillugit innersuunneqarsimasut piukkunnamersiorlugit. Komitemi makkunanga inuttaqartumit:
- Timersortarfimmi pisortaq
- Najukkami ataatsimiititaliamit aallartitaq
- Ukiut ingerlanerani sumiiffimmi timersullammattut toqqagaanikoq
- Ukiut ingerlanerani sumiiffimmi timersullammattut toqqagaanikoq
- Timersoqatigiiffimiit aallartitaq ataaseq (toqqagaq)

Kommenterede [RJ6]: DK skal tilpasses til denne

Kommenterede [RJ7]: DK rettes til

Nersornaasiineq imaluunniit nersornaasiinerit ukiup naalernerani ukiulluunniit nutaap aallartinnerani nalliuttorsiualaarmermi ingerlanneqartassapput.

Imm. 9: Avannaata Kommuniani "Ukiup Timersullammaatut nersornaasiineq" annerpaamik 5.000,- kr.-nik aningaasartaqartassaaq, timersornerullu iluani sumiiffigisaminni innuttaasunut sunniuteqarluartumik suliniuteqartunut tunniunneqartassalluni.

- Avannata Kommuniani "Ukiup Timersullammaatut nersornaasiineq" innersuussutit timersoqatigiiffinnut innuttaasunullu tamanut kina "Ukiup Timersullammaatut nersornaasiineq"-qassanersoq siunnersuutinik tunniussereersimasassapput 1. december nallertinnagu illoqarfinni sumiiffigisani immikkoortortamat "Peqqinneq Sunngiffillu"-mut.
- Toqqaaniarmermi sumiiffinnit komité-t tungavilersorluakkamik inummik ataatsimik innersuussinerisigut toqqaasoqartassaaq. Komité-t 15. December nallertinnagu innersuussereersimasassapput.
- "Ukiup Timersullammaatut nersornaasiineq"-mi Komite-mi toqqaasassapput; Politikikkut qinikkat sinnerlugu Borgmester, Peqqinneq Sunngiffimmilu aqutsisut.

Imm. 10: Timersoqatigiiffiit peqatigiiffiit tapiiffigineqarmerminni ukiumut ataasiarlutik sumiiffigisaminni innuttaasunut pikialaartitsisoqartillugu ikiuunnissaminnik pisussaaffeqarput.

Kommenterede [RJ8]: DK rettes til

Imm. 11: Timersoqatigiiffiit 18 inorlugit ukiulinnut sungiusartartunut sungiusaasut ukioq timersorfik aallartinninnerani ukiut tamaasa (sæson) meeqqanut pinerluuteqarsimanginnermik uppersaammik Peqqinneq Sunngiffimillu tunniussisassaaq.

- 11.a. Ukioq sungiusarfiusumut brneattest 1. januar aammalu 31. december atuutisneqartassaaq, ukiullu tamaasa nutarterneqartassalluni.

§ 8: Kulturikkut aaqqissuussat tapiissuteqarfigineqartarneri:

Imm.1: Peqatigiiffiit § 3-mi piumasaqaatinik naammassinnittut angalanerisa aningaasartuutaannut illoqarfikkuutaallugu %-it aaliangersimasoq tunniunneqarsinnaavoq.

- Ilulissat: Inersimasut angalanermut 65%-mik aningaasartuutitut tapiisoqartassaaq
- Uummannaq: Inersimasut angalanermut 70%-mik aningaasartuutitut tapiisoqartassaaq
- Upernavik: Inersimasut angalanermut 75%-mik angalanermut aningaasartuutitut tapiisoqartassaaq
- Qaanaaq: Inersimasut angalanermut 80% aningaasartuutitut tapiisoqartassaaq
- Avannaata Kommuniiani meeqqat inuusuttullu 18-it ataallugit ukiullit aningaasartuutit tamarmiusut 100%-mik matussuserneqartassapput.

Kommenterede [RJ9]: Ukua oqaaseqatigiit qanoq allanngussanerpat

Imm. 1.a: Ukunnunnga atuuppoq:

1. Innuttaasunik paasititsiniaaneq, soorlu assersuutigalugu kulturi timersornerlu pillugit paasititsiniaanerit.
2. Piorsarsimassutsip (kulturip) ineriartortinneqarneranik suliniarneq aamma saqqummersitsinerit.
3. Najukkami peqatigiiffiit ataatsimoorussamik siunertallit.
4. Isiginnaartitsinerit, erinarsornerit aamma nipilersornerit, uani Festival ilanngullugit.
5. Filmertitsinerit aamma videortitsinerit.
6. Nipilersukkanik aammalu video-lianik saqqummersitsinerit.
7. Atuakkanik saqqummersitsinerit.

Imm. 1.b Nipilersukkanik video-lianik saqqummiinissamut qinnuteqartarneq maaji 15-ianut qinuteqartarneq killeqarpoq. Upernaakkut qinuteqartoqarsimangippat piriarfissaqarpoq Septemberip 15-ianut qinnuteqarnissamut. Qinnuteqarnermi annerpaamik 20.000,- kr. tapiisoqarsinnaavoq. Immiussineri tapiissutit atortut amigaatinut atungassiatut qinnuteqaatigineqarsinnaangillat.

Imm.2: Nipilersortartut erinarsortartullu Avannaata Kommuniata avataani kulturip ineriartortinneqarneranik suliaqarnermik ilaqassappata angalanerit aningaasartuutaasa affai

tapiissuteqarfigineqarsinnaapput – taamaattoq amerlanerpaamik 15.000 koruunit angullugit siumut utimullu angalanissanut taperneqarsinnaapput. Qinnuteqaammi siunertarineqassaaq aqqjissuussaq tamanut ilaqutariinnullu imigassartaqanngimik tamanut ammasuunissaa.

Imm. 3: “Kulturikkut sunniuteqarluarsimasumut nersornaat” (Kulturikkut suliniarluarsimasumut kajumissaat) Kiisalu (Inuusuttumut kulturikkut malunnaataalluarsimasumut kajumissaat) Inuiattut ullorsiornermi ulloq 21. Juni nersorinnissutit pingasut tunniunneqartartussat annerpaamik immikkut 1000,- kr. Aningaasartaqartassapput, illoqarfinni nunaqarfinnilu tamani immikkut tamarmik. “Ukiumi Kulturikkut nersornaammik” nersornaaserneqartut kajumissaaserneqartullu toqqarneqartassapput komitemit makkunannga inuttaqartinneqartumit, kommunimi immikkoortortaqaqfimut Peqqinneq Sunngiffillu illoqarfinni nunaqarfinnilu tamani kulturikkut peqatigiiffinnit tamanit sinniisunit. Komite maaji qaammat naatinngu toqqaareersimassaaq.

Imm. 4: Angalanernut aningaasartuutitut Qimussimik Kalaallit Nunaanni pissartanngorniunnermut, Kulturikkut siunertanut ukiumoortumik illoqarfimmut atugassiissutigineqartut annerpaamik pingajoraarterutaat, 33%, tapiissutigineqarsinnaapput, taassumalu nunaqarfinut tapiissutit ukiumoortumik Kulturikkut siunertalinnut.

Imm. 5: Ukioq sammisasaqartitsiviusoq tamakkerlugu meeqqanut inuusuttuaqqanullu 17-it tikillugit ukiulinnut piorsarsimassutsikkut sammisaqartitsisutut ingerlatsisimagaanni, sungiusaasumut ataatsimut 5.000,- kr.-it tapiissutitut tunniunneqarsinnaapput. Ukioq sammisasaqartitsiviusoq septemberimiit maj/junimut sammisaqartitsisutut ingerlatsisimanermit uppernarsaat, tapiissuteqarfigineqarnissamik qinnuteqaammut ilanngullugu peqatigiiffimmiit nassiunneqassaaq.

Imm.6: Peqatigiiffiit tapiiffigineqarnerminni ukiumut ataasiarlutik sumiiffigisaminni innuttaasunut pikialaartitsisoqartillugu ikiuunnissaminnik pisussaaffeqarput.

Imm.6.1: Kulturikkut sammisaqartuni 18 inorlugit ukiulinnut sungiusartartunut sungiusaasut ukioq piorsarsimassutsikkut suliaqartut aallartinnginnerani ukiut tamaasa (sæson) meeqqanut pinerluuteqarsimanginnermik uppernarsaammik Peqqinneq Sunngiffimillu tunniussisassaaq.

Imm 7: Kommunip aningaasaliissutigisimasaasa takussutissartaat naatsorsuutit suliarineqarneranni ilanngullugu takusassiarineqartassapput.

Imm. 8: Avannaata Kommuniani innuttaasumik immikkut nersornaasiisinnaaneq – Ilinniakkamik naammassisumut nersornaasiinermi immikkut angusarissaarsimaneq tunngavigalugu. Assersuutigalugu najugaq qimmannagu ilinniakkamik naammassinninnermi angusarissarissaarsimanermi nersornaasiinerit. Annerpaamik 3.000kr tapiissutigineqarsinnaapput.

Kommenterede [RJ10]: DK tekst skal oversættes til denne

§ 9: Akuersisinnaatitaasut:

Imm.1: Qinnuteqaammi aningaasat 100.000 koruunit inorlugit aningaasartallit sumiiffimmi Peqqinneq Sunngiffik-immi immikkoortortap aalajangigassanngortillugit nassiunneqartassapput.

Imm. 2: Qinnuteqaammi aningaasat 250.000 koruunit inorlugit aningaasartallit Peqqinneq Sunngiffimmi ataqtigiissaarisumut aalajangiassannngortillugit nassiunneqartassapput.

Imm. 3: Qinnuteqaammi aningaasat 250.000 koruunit sinnerlugit aningaasartallit Inerisaanermut Ataatsimiititaliamit aalajangiiffineqartussannngorlugit nassiunneqartassapput. Inerisaanermut ataatsimiititaliap qinnuteqaatit ataatsimiinnermini aalajangiiffigisassavaat. Qinnuteqaatit ullut suliffiusut qulit ataatsimiinnissaq sioqqullugu tunniunneqartassapput.

Imm. 4: Kommunimi immikkoortortaqarfiup Peqqinneq Sunngiffillu pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersumi kapital 2-imi allassimasut malittussaavai.

Imm. 5: Qulaani aalajangersakkat Avannaata Kommuniani kommunalbestyrelsimut naammagittaalliutigineqarsinnapput.

§ 10 Immikkut ittumik qinnuteqaateqarsinnaatitaaneq:

Imm. 1: Immikkut ittumik qinnuteqartoqarsinnaavoq, nalilersorneqarpat pisoq immikkuullarissaq, aalangersimasorluunniit tapiisarnermi ileqqoreqqusami allaqqannngittumik peqarpat.

Imm. 2: Qinnuteqaat Kommunalborgbestyrelsep ileqqusumik ataatsimiinnermini aalajangiiffigisavaa. Qinnuteqaat ullut suliffiusut qulit ataatsimiinnissaq sioqqullugu tunniunneqartassapput.

§11 Tusarniaasarnerit:

Imm. 1: Tapiisarnermi ileqqoreqqusaq una ukiut tamaasa augustimi peqatigiiffinnut tamanut sumiiffinni tamaniittunut tusarniutigineqartassaaq.

Imm. 2: Tapiisarnermi ileqqoreqqusaq una pillugu tusarniaaneq septemberimi peqatiiffinnik aggersaalluni isumasioqatigiisitsinikkut aamma ingerlanneqartassaaq.

Inerisaanermut Ataatsimiititalianik akuerineqarpoq ulloq:

Siulittaasoq Lena R. Davidsen

Avannaata Kommuniani Kommunalborgbestyrelsimit akuerineqarpoq ulloq:

Borgmesteri Palle Jerimiassen